



Nivi Rosing
Inatsisartuni ilaasortaq, Inuit Ataqtigiiit

§ 37 naapertorlugu apeqqummut nr. 150/2026-mut akissut

Aluu Nivi Rosing

Inatsisartut Suleriaasianni § 37 imm. 1 naapertorlugu Naalakkersuisunut matumuuna apeqquteqarputit. Apeqqutit uannut akisassanngortinneqarsimasut qujassutigaaqka. Apeqqutit issuarneqartarput tamatumalu kingorna akineqarlutik.

Ulloq: 03-08-2026
Suliap normua: 2026 - 14213
Allagaatip normua: 26709167

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@naaoq.gl
www.naalakkersuisut.gl

1. Naalakkersuisoq nuna tamakkerlugu imigassamut politikkissaq pillugu partiinik isumaqatigiinninniassamaarpa?

Akissut:

Aap, imigassamut politikkissap ineriartortinneqarnerani siammasissumik politikkikkut tunngavissaqarnissaa Naalakkersuisut kissaatigaat. Peqqissutsimut tunngatillugu annertusisamik isumaqatigiissutitaassamut, isumaqatigiinninniarnermi peqataasut suleqatigalugit nuna tamakkerlugu imigassaq pillugu isumaqatigiissutissamik piviusunngortitsinissaq anguniarlugu sulissuteqartoqassasoq Naalakkersuisut kissaateqarnertik aamma nalunaarutigaat, taamaalilluni isumaqatigiissut siunissami imigassaq pillugu politikkip ilusilersorneqarneranut sinaakkutissatut atorineqarsinnaaqullugu.

Imigassaq pillugu politikkissaq piffissaq sivisuumik atuuttusaaq pillugu, Naalakkersuinikkut Ataqtigiissaarisooqatigiisusussanut tullissaani ataatsimiinnissaannut, agusti 2026-mi pisussami oqaluuserisassanngortinneqassasoq, Naalakkersuisut ilisimatitsissutigisinnaavaat. Tamanna ilaatigut siunertarlugu nuna tamakkerlugu imigassaq pillugu isumaqatigiissutissap piareersarneqarnerani kommunit peqataatinneqarnissaat qulakkeerneqassaaq, kiisalu kommunit ataasiakkaat imaluunniit amerlanerusut siunissami imigassaq pillugu politikkip atuutilersinneqarnerani najukkani/nunap immikkoortuni suliniutinik aammalu innuttaasunut qanittumik iliuusissamik misileraataasumik kommunitut ingerlataqarnissamik kissaateqarnersut erseqqissarneqassalluni.

a. Aappiuppat, qaqugu?

Ukioq manna nuna tamakkerlugu imigassaq pillugu isumaqatigiissutissamut tunngatillugu inassuteqaatit aammalu suliaq ingerlaqqinnissaa pillugit naalakkersuinikkut oqaloqatigiinnissanik aallartitsissallutik, Naalakkersuisut naatsorsuutigaat.

b. Naamiuppat sooq?

Akissut:

1.a takuuk

2. Qaqugu naatsorsuutigineqarsinnaava nuna tamakkerlugu imigassamut politikki inaarsarneqassasoq?

Akissut:

Nuna tamakkerlugu imigassaq pillugu politikkip inaarutaasumik ilusilernerneqarnissaanut, naalakkersuinikkut oqallittoqarnissaa aalajangiisoqarnissaalu naatsorsuutigineqarpoq, taakkunatigut aalajangerneqassalluni inassuteqaatit sorliit piviusunngortinneqarlutik aalajangersimasunik suliniutinngortinneqassanersut. Taamaattumik Naalakkersuisut ataatsimut isigalugu imigassaq pillugu politikkip inaarutaasumik naammassineqarnissaanut ulloq aalajangersimasoq maannakkorpiaq nalunaarutigisinnaanngilaat.

Imigassaq pillugu politikkip piffissami sivisuumi atuuttussaq siammasissumillu tapersersorneqartumik suliaqarneq Naalakkersuisut anguniagaraat, tamanna imigassamit tunngaveqartunik ajoqusiinerit pinaveersaartinneqarnissaannut ikorfartuutaasinnaaqullugu, meeqqanut ilaqutariinnullu suliniutinik pitsanngorsaaneermut kiisalu innuttaasut peqqissusaasa pitsaanerulernissaanut tapersiisinnaaqqullugu.

Inussiarnersumik



Anna Wangenheim